

西圃集卷八

吳縣潘濂

順之

二月四日探梅至澗上翼晨自草堂肩輿過昌蒲

潭小步聚塢抵潭東登蟠螭山憩石壁遠至潭

西取道上石樓登萬峰臺久坐啜茗而返又明

日踰珠華嶺由觀山塢至驚魚澗過密上抵西

磧背循太湖濱訪熨斗柄復自潭西登茶山仍

由聚塢還至草堂得詩十二首

丁卯

屢約探梅放棹遲來游已及仲春時籃輿取次穿林去

殘雪分明尚滿枝

西圃集卷八

一

遙指茶山傍鐵山山樓一角對孱顏梅花似斷還連處

好在青松翠柏間

聚塢張氏山樓適當湖山之勝

小阮先期屐印留煙村分路儘探幽自憐徒倚松楸影

輸爾花間撰杖游

姪介社奉母先至山居

梅花缺處見孤僧幾輩山扉叩不磨約我鉢盂泉上坐

白雲深處有傳燈

石壁僧寂三為言其師德圓上人主天平下白雲於客臘圓寂寂三將往

繼其席

薜蝕苔侵沒字痕題名石上幾人存一年一度酬芳信

閒把山中歲月論

狂飈一夜卷林霏晴旭朝來上翠微莫悵探春遲十日

飛英夾路點春衣

不教細雨阻芳期
兩日陰晴恰兩宜
玉是暖煙香溼霧
一般清景鬪吟思

心清聞得妙香醖
想像高蹤駐草菴
澗水自流花自放

更無人禮舊瞿曇

驚魚澗上草菴爲南酌先生屢經游宿處舊有閣在梅花深處先生題曰

清間

依巖築舍自成村
臨水編籬別有門
總是梅花環繞處

漁郎何事覓桃源

黃茅小景別成圖
斗柄分明枕太湖
直到湖濤綠峭壁

山人指點尙模糊

家藏唐子畏黃茅小景畫卷張夢晉題詩有黃茅者前製斗柄之句詢之

西園集卷八

二

士人約略而已

病餘筇屨喜猶輕
花底湖光與送迎
遠興好留尋後約

扁舟還擬出銅坑

西磧山前白浪堆
蓬蓬吹送遠春來
林間一樣花如雪

早有櫻桃相間開

西磧山家櫻桃已作花望之與梅相似

上已後一日過木瀆錢氏端園

端園主人不可作
端園草木還敷榮
人生那得如草木

冰雪凍死逢春生
況是兵戈歷塵劫
此園猶得完軒楹

前年過此尙蕭寂
亂石倒蔓紛縱橫
今年開徑滿游屐

春郊士女幾傾城
題詩記我四十載
當時競詡點允名

主人忠厚澤未泯遺此邱壑逾金羸拂垣高柳綠無際
臨水天桃紅有情流連莫惜景光換多少池臺埋棘荆
河亭橋謁五世祖墓

澗水回環處梅花擁墓門藏幽仍聚族行派各尋源古

木竟無恙司徒廟古柏適當墓前流風猶有存蘇州懷鼻祖此地

卽黃墩吾家出歙縣黃墩公始葬吳

萬祿山謁高祖墓

七子山頭望誰如萬祿春詒謀惟一樸墓北向背規制皆公手定歷

劫又重新香水橫塘路靈巖木瀆濱東西憑眺遠蓬顆

半荒榛

西圃集卷八

三

雅宜山謁曾大父墓

吾祖行先志親封此若堂至今喬木蔭滿路早梅香瑞

啟三枝秀芬遺四葉長羅浮清夢繞明月照山莊丙舍曰香

雪山莊舊有楹帖云枕上羅浮枝上月卷中香雪畫中詩彭芝庭尙書題公採梅圖句也

無隱菴贈鹿苑上人

名山藏老衲閒坐話無生徑草喜重翦山禽時一鳴窗

虛延翠嶂石罅得清泓還待樾香裏參禪息眾營

天平三詠

白雲泉

白雲亭下白雲泉流入中峰一綫懸十丈蒼藤千歲活

不知人世有風煙

泉上紫藤正著花

高義園

園名高義鬱崔巍功德林中法苑開
聞說范家方墓祭
萬楓陰裏子孫來

山中松柏剪伐殆盡惟楓林無恙

兜鉢菴

兜鉢菴前來燕榭鼠姑花發燕來時
憑闌未覺春風老
還想田田葉滿池

菴門適當蓮花池

鄧完白登岱圖

日觀峰頭觀日出秋穹記我清宵立
回頭齊魯青猶昨
卅載光陰飛鳥疾泰安城外車馬過
擔簦拾級紛巖阿

西圃集卷八

四

我亦勞勞亭畔客山靈應笑襟塵多
完白山人矯如鶴
芒屨來插雲中腳摩厓碑字手自捫
欲與胸中爭窄峩
五岳之尊橫九夏壯觀人生不容假
宣尼以後千百年
誰復敢言小天下
山人狂歌杜老篇吐納朝噉照杯
奇情只有兩峰知
腕底鬼神恣驅寫此游此筆兩不朽
壓倒古今登岱者

圖爲羅兩峯山人所作

贈吳冠英

備

卽題其春水歸帆圖次卷中子貞前

輩韻

我識道子垂卅年六法精微志心篆
初從京國想風帶
引懷夢繞涵秋扁

丁未識君於京師時余寓橫街之涵秋閣七月出都君爲寫春明送別圖

我歸一臥後游懶君去重來勝情選君於戊午復入都寄松筠菴兩載

江干烽火走千里忽與萍蓬共飄轉隨身書劍賸有幾

逆旅壺觴寒不腆庚申秋君從海船避亂至滬余復與君遇澹交落落比晨

星鴻雪因緣珍篋衍場來昇平快重覩共撫粉榆頌

履戩卻對君山懷洞庭買舟笑把春裘典喧傳虹月貫

金閭三徑蒿萊為君翦燈前握手互驚認冉冉霜髭那

能免光陰可惜付離亂翰墨能傳須龜勉酒邊爭識老

畫師細雨簷花坐芳宴況兼仙侶得李膺楊詠春同年同舟而至

讀書論碑佳想善煩君妙筆紀良會香雪盈縑蘿幔卷

余出所藏逃禪老人四梅花卷相賞

西圃集卷八

六十述懷敬次先大父嘉慶己未詩韻

荏苒吾生甲子周謹用原詩起句百年嘉蔭念貽留大父於乾隆癸丑卜

居花橋庭有三松數百年物也亂慚無翰墨能繩武樂後存其二手種雞松一株補之

有林泉可紀游鈍質正宜箴四勿近屬楊詠春書程子四箴餘齡端

合署三休驚心烽火連鄉國重躅康衢雪滿頭

屈指泉魚飲泣年直從髻鬣到華顛楹書冷落雞窗雨

家藏數萬卷先大夫墓在石湖東經十不存一宰樹飄零鶴表煙亂夷冢之半癸亥冬還

鄧尉山中漫說簪纓承累葉那堪菽水恨終天捫心清

白期無負賸與兒曹數頃田
莫羨江湖臥早安閉門常愧日三竿天憐老物偏多病

歸田二十載
人遺沈疴三次 人道家風不愛官無復春塘尋好夢祇
餘塵簞付冥觀細思何事堪排遣還覓圖書結古歡

頑軀敢擬後凋松位置商量士與農食德但期孫守硯
看耕聊約客攜筇哀絲豪竹陶何用濁酒清詩賭亦慵
來日倘容酬夙願草堂長對兩三峰

存伯罷官後以所寫花卉長卷索題

東風狡獪弄青春轉眼繁華總是塵收拾靈芬到繚素
此中無涸亦無茵

芟几湘簾絕點埃閉門風信老莓苔萬花供養詞人筆
笑把浮名換得來

西園集卷八

六

翰墨因緣劫不磨風晨月夕儘研摩從來繪苑傳遺事
畢竟江湖趣較多

次韻雨田姪七十自壽詩

試數山中散木年由來拳曲得天全人間多少材爲累
梁棟翻教匠石憐

姪病足廿年
而神明不衰

頗慚捷足騁名途還羨陶朱泛五湖一劫也應空富貴
幾人得到古稀無

同宗論齒君爲最我到君年君八旬耄耄期頤馴可致
竹林酬唱老吟身

關心祖武要繩其階下聯賡泮水詩側耳喜聞蟾窟詠

好矜晚節護東籬

余家自康熙間六世祖其蔚公以諸生起家至姪父子已九葉芹香矣今

秋兩姪孫皆應南闈試

網繆牖戶劇艱辛我亦傷懷夢草因悟徹蘆蘆原是寄

高門列戟問何人

小字蠅頭眼不昏興來還欲倒芳尊含飴點頷龍鍾叟

一笑重看子有孫

登虎邱尋雲巖寺

不到三摩地安知色是空眼明塵障外心定梵音中白骨憐迷幻縉流忍困窮劍池千載冷那有氣如虹

山門晚眺

西圃集卷八

七

一覺繁華夢亭臺宿草荒可知金粉地原是水雲鄉頑石能通性清泉爲洗腸所嗟塵劫換仍作冶游場

金敘之

鳳清

梅邊憶舊圖

萬梅花裏著吟身猿鶴招邀水竹親一自風煙迷洞口海天曾誤四年春

屈指吟朋亂後稀猶聞雪夜羽觴飛寒香深處無人到羨煞空山獨掩扉

一翦歸帆感逝波湖山偕隱已蹉跎草堂坐聽春禽語不似當年樂意多

問水尋山路不迷卜鄰新喜對香溪春來重鼓扁舟興

載得詩心到崦西

西山看桂

篔簹曉蹋西山麓處處園林綻金粟坐來清露滿衣襟
毛孔皆香鬢鬢綠傳聞月窟影婆娑又聽霓裳詠大羅
時秋試將放榜二十年來塵夢醒幽馨只讓小山多小山幾輩

同招隱藹軸居然堪接軫蜂蝶紛紛忘卻秋託根猶厭
山林近卻笑山僧亦世緣參禪依舊落言詮草堂別有
連螭樹伴我秋窗自在眠

海客琴尊圖

道光乙巳余在都門朝鮮使者李藕船尙迪與
中朝士大夫爲文酒之讌江陰吳冠英仿西園

西園集卷八

八

故事卽席寫照余兄弟亦與焉迄今二十餘載
幾不復記憶忽於吳子齋中重展是圖因題

金臺勝侶喜相過二十年來一擲梭海國清吟人已遠

池塘別恨我偏多當時那信兵戈擾何處重聆劍佩摩

落落晨星驚屈指壯懷銷盡鬢絲皤
卷中諸人惟冠英
近自澄江來寓花

橋得其晨夕景亭前輩玉泉從弟同在
里門餘則逸若山河存者殆無幾矣

穹窿山上真觀作

赤松仙蹟久已陳留侯訪道空傳聞功臣幸免功狗烹
卻來穹嶺餐黃精黃精餌久能鍊形呼吸精氣通香冥
化爲飛仙白日升夜月往往聞吹笙可憐下界浩劫淪
茶毒百萬皆生靈從來業海如轉輪口腹饜飶刀俎腥

山窗閱李補樵鍊師夢游業海記

好生一念上帝仁降祥之理不爽衡

玉符寶籙恐失真要憑精白通天門香煙繚繞鑪篆馨

功德水灑琉璃瓶疑有風雷驅六丁綠章頃刻陳通明

是日延羽士修玉皇醮

菰蘆退士心無營雲輿鶴蓋鑿此誠不求

牀頭金滿籬不望膝下躋公卿但願寰宇煙埃清懾伏

魑魅開昇平寄言諸將好治兵兵驕曷以掃機槍子

房決策神不驚當其納履已去矜咄哉宇宙垂大名白

骨揚作恒河塵神仙之說倘可憑何如辟穀斬長生

十月十二日遊天平山

木葉聲來已漸乾淡黃淺赤滿層巒分明幾幅癡翁畫

西圃集卷八

九

付與山人柳栗端

小春天氣尙無霜瓜蔓青青覆短牆有約僧窗遲十日

重來石磴看斜陽

姪女三姑殯歸平陽詩以送之兼示姪婿汪生

體

榘

誰遣絲蘿爽舊盟青山埋玉燧煙驚一棺未忍儕殤祭

雙旄重看返吉城似續計應扶後起唱隨緣已負今生

汪郎醺酒情何限可比人間賦定情

月夜攜酒上石壁

水曲山坳路慣經湖光欲暮遠山青要看月出澄波上

萬頃琉璃瀉酒餅

兒童熟識一枝藤藉草攀枝得未曾一笑偷閒誰似我
空山蹋月訪孤僧

石闌遠景辨微茫風帽斜披漸有霜記取亂山環古寺
枇杷花發滿林香

仲弟栖霞山中在先塋之左距余生壙尤近卽事

感懷

豈料空山裏今朝又送君十年思往事諸子勉清芬亂
識藏幽理悲深歎逝文吾衰更夢幻掩涕立斜曛

天道論心地人生重首邱魂知來澗壑蔭喜接松楸結

西圃集卷八

十

屋終當隱支筇賸獨游他年華表語我唱子應酬

張仲甫丈

應昌

重游泮宮詩

佳話傳來泮水頭貞元朝士幾人留童顏鶴髮添新侶

旂影芹香紀昔游茂苑生徒欣列坐

主講平江書院

茗溪父老

識歸舟

公以歸安諸生改籍錢塘

大羅天仰靈光峙屈指重吟月殿

秋

庚午鄉闈行將重宴鹿鳴

小雪後七日清曉山行至先大夫墓下

東嶺銜晨旭西巖起宿煙草枯霜徑出林迴露巢懸萬
籟杳然寂三時俄又遷惟餘松柏陰鬱鬱護新阡

大雪後四日夜宿澗上破曉至草堂

問水尋山閱歲年，退翁心跡兩飄然。
扁舟一葉眞天與，老樹雙株況地偏。
時事從拋孤枕外，舊游易觸短筇前。
終須長作幽栖計，好就箕簣拓數椽。

王丈鐵甫

芑孫

乾隆丁未春闈後贈張丈詩塘

吉

安詩冊麀生姪屬題

震澤家聲動瑣闌，風流文采想依稀。
三松堂下松濤響，

會和詩壇墨雨飛

舊藏王大翰墨甚多亂後猶有存者

論交老輩古風敦，零落遺篇到耳孫。
付與詞人傳逸事，燕臺花發幾銷魂。

觀仲弟新栖霞樹碑

西圃集卷八

十一

君去已長息，我行還未休。
勞生原有命，塵海竟無禱。
祇合尋猿鶴，何堪效馬牛。
傷懷銜石闕，悵望暮雲愁。

十二月十九日探梅聚鳴

澗水初冰屋有霜，輕紅微露尙含香。
一年小別重相見，六字將春未許狂。
自選橫斜宜入畫，從誇裁翦各成妝。
三旬屈指潭西路，來看瓊田萬頃光。

雨窗憶山中梅花

一路泉聲響石碕，四山雲氣護茅衣。
遙知萬樹花如睡，滿隴人家盡掩扉。

二月朔日山中看梅，徧攬潭東西石樓，銅井諸勝。

以詩乞同游吳冠英作香雪草堂圖

戊辰

有約探春那肯遲更攜勝侶踐幽期
欣看宿霧千林卷好趁香風一路吹
地占湖山開絕境天容笠屐討芳時
草堂記取圖成日要乞王維畫裏詩

三月八日亡婦三周忌辰懸像設祭錄感懷之作

題曰望廬吟屬冠英寫望廬圖復題一詩

自爾辭中饋有齋容久疏遺型在門闕
芳澤委邱壚上

冢清明路公車遠道書三年真一瞬
把卷淚盈裾

乙丑三月

兩子皆赴春闈今又屆闈期又離膝下

山中盧橋正熟鄰翁招至樹下恣啖甘鮮無匹市

西圃集卷八

七

人不知此味也

半嶺綠重重金黃萬點濃如丸纔入手似蜜已沾胸
婦穉爭相獻賓朋未解從漿憐梅子楚釀笑荔支封遠餽
徒盈籠低攀漫策筇穿林容飽啖選樹責頻供方朔桃
難覓安期棗不逢浪傳仙果熟口福讓吳農

蘭舟渡

香水迴環處菱蘆滿港生疏纜通夏氣爽不借秋聲預
想荷風暢轉愁梅雨盈

今年春水甚足

扁舟能早辦茶竈有餘

清

茶磨嶼

倚棹湖陰路低峰映夕陽此山因水勝不雨亦風涼塔
影淩三面漁歌占一方有人耽隱趣何日卜山莊

謂江
茶磨

月夜出虎山橋

蕩槩崦西去龜峰月正明水天成一碧心跡印雙清遠
樹千巖影新蒲兩岸聲船唇坐披豁不羨御風行

東園姪南歸圖

全家作客復歸耕江北江南無限情多少飛鴻泥爪印
敗蘆殘荻總秋聲

范公憂樂想襟期喬木清陰在鳳池往事低徊誰似我
重來池上立多時

西園集卷八

三

中秋口占

離合悲歡總逝波新詞把酒唱東坡自從一鏡三年破
不向今宵望玉河

草堂偶成

十載經營戀此堂

堂成於甲寅秋中更寇亂
四年前後經營剛十稔

舊栽花竹

已成行天公爲我留餘地旅客思親說故鄉

長子方官
京師次子

將赴
楚北

未死當爲頤老計有生何苦伴人忙不須便祝詒

謀善

樓櫓四字日貽厥孫謀匠人析
舊屋材顏之不知何人所作

且覓鄰翁種樹方

姪介繁

鄧尉讀書圖

點允平生志投簪喜竟成澗阿徒寂寞歲月自崢嶸遺

汝青擅在憐余白髮盈披圖好山色不改舊時橫

西圃集卷八

十四

西圃集卷九

吳縣潘遵祁順之

重至滬上己巳

絮泊萍飄彼一時海天重燃老吟髭舊有海天句圖最憐慘

境能銷骨避亂以來屢遭拂逆去秋長孫驟亡尤為驚慟荆公詩積慘能銷骨信然不信歡

場易展眉易俗移風非我分歌離賦別動人思兩子遠宦京楚

今又送次會經辛苦三年住泥爪分明只自知孫北行

新闢候湖易小車至南翔口占

小車伊軋碾低脰不似長安陌上乘曉露乍收塵未起

兩邊芳草拂行勝

西圃集卷九

稻畦花隴小溪迴土皆種棉花插秧者纔十二竹裏人家戶半開生

小不知舟楫利任他潮去又潮來

小市清陰憩碧柯年來差喜慶時和居人說起烽煙事

眞是韶華夢裏過

尋檀園遺址不可得有懷李長蘅先生

再上公車轍早休功名肯與命相讐余藏先生手札力辭計吏有天下回

有不愛功名而愛性命者云云早貪翰墨資薰沐誰向林泉問釣游老

去孤蹤聊灑落亂餘殘景尙清幽古猗園爲先生從子繙仲別業亭臺木

尙無彈山左阜年年月猶憶先生眺六浮先生有彈山左阜對月歌

又欲築六浮閣於茶山蓋嘗習游鄧尉也

寶善堂夜飲贈秦塔

記得登堂識老成忘年喜訂薦蘿盟亦闈親家長余卅七歲端方仁厚長

者地名園漾水如相待雛鳥丹山況有聲君自扁舟隨泛

鷺時同余從滬上到此我來小閣復聽鶯聽鶯橋在膠城西青紅情話知

何限今夜尊前百感生

偶寫芍藥一枝漫題

豐臺老圃花為業不識將離怨離別年年花開擔入城

換得青銅換米薪揚州大賈花繞筵花開日日鳴管絃

可憐依舊紅橋月一片青青照薺麥花開花謝隨所遇

涓水風詩掖垣句還憶春深宰相家偶傳金帶便爭誇

西圃集卷九

二

葉茗翁手簡遺跡為麀生姪題

文史由來盛我吳誰開鐵網貯珊瑚石林自有家傳筆

欲駕前賢朱與都吾鄉郡元敬朱性父皆著有鐵網珊瑚但記翰墨翁則徵文考獻博采旁

搜有吹網錄鷗陂漁話各若干卷足備志乘之遺

集蓼詩成感逝波翁早歲遭家多難才人合付命銷磨錢唐若

問陳團扇黃竹箱中淚更多翁為陳雲伯大令女夫大令少時以試團扇詩見賞

於宗工阮文遠公即以團扇贈之時號陳團扇後扇即歸翁夫人篋中余曾為題詞亂後開尚在翁處

何期小阮託知音末路憐才一片心商畧浮名身後事

一杯悵恨酒樓吟

有感二首

天高從道聽，偏卑種種隨人去。自爲若使天真能主宰，何妨養鳳去鴉鴟。

尼山不答南宮迺，騷史偏多鳴不平。憶昔手完刪訂事，無言只是驗行生。

光福厚上人新葺銅觀音殿，以所拓宋元碑記及前明以來題詠冊請題並請重書寺額時適患久霖當事迎觀音入城祈禱

山門一塔聳峻嶒，長護金剛不壞身。嵐氣浮空馴踞虎，寺與虎山相對石泓無底闕潛鱗。寺後一泉深墨無底申文禱定所謂石宮黝泉者是也祈奔走諸官吏，呼吸行施有鬼神。咫尺幽栖荷靈貺，雲

西圃集卷九

三

樛重寫亦前因

東園姪養心園圖

清絕浮山境，誰如我最諳。養心惟鍵戶，記夢不離龕。兄有三十餘歲必幽尋到道南園在六夢龕圖靜對思窗北，坐北窗清談在鳳池園中當之所嗟。游客換幾輩，識船菴。船菴在鳳池園中當南所嗟游客換幾輩，識船菴。船菴在鳳池園中當時同過友無一存矣

山居雜詩

自結幽栖自詠詩，孤懷原不要人知。回頭細數平生願，惟有梅花不我欺。

花甲周來又兩年，此身何苦逐塵緣。牀頭白倒新開甕，掃卻千愁且醉眠。

小塘新築漾清渠但貯纖鱗五色魚
悟得養生真有訣看他靜裏自吹噓

千載彭殤詎等倫浮生聚散究何因
因世間但重蘭亭帖誰信義之是達人

欲借煙雲豁眼腔環峯奚止髻堆雙
新來一事差堪喜拓得山樓兩面窗

口體先教嗜好捐園蔬隨意摘霜前
卻慚未慣清齋約出網新烹縮項鱸

曉來一事費商量好語鄰翁取斧斨
替把蒙茸刪一角小樓助我引湖光

西圃集卷九

四

閒招彊以話蠶耕漸喜中含樂歲聲
從此甘爲忘世客祇期兒輩答生成

晚林尙欠映霜紅便擬移栽幾樹楓
要使當窗須得地更須先受夕陽烘

豈但青山願結鄰松楸手撫四時春
可憐滴盡孤兒淚更有長眠不曉人

聞道江湖滿地愁巉巖陡壑走蛟鱗
此間一枕風泉響終歲清冷繞澗流

清娛也解愛山栖春韭秋菘付品題
只有林間無箇事日攜稚子聽禽啼

戲爲五雜組四章

五雜組池中魚往復還勤灌蔬不得已典琴書
五雜組小園花往復還西崦艇不得已妾持家
五雜組書畫几往復還雙丸駛不得已入城市
五雜組經霜株往復還枝上鳥不得已弄雙雛

橫金

小市橫金路風吹酒甕香村溪秋更碧山果晚初黃
鷺鳴比鄰鬧帆檣佔客忙明朝太湖去煙水弄蒼茫

浦莊曉發

涼風吹動五湖秋一片菱蘆起白鷗夜泊溪橋疏柳下

西圃集卷九

五

曉來黃葉滿船頭

東洞庭

莫釐峰下好村墟多半依山面水居終歲湖光相掩映
經秋樹色已蕭疏芰荷十里香都盡橘柚千頭畫不如
若問梅花最深處崦西輸我舊精廬

隱梅菴訪顧夢蘊墓

亂餘纔識鶴丰姿君似梅花獨我知墓碣生前邀我寫

碣曰隱梅道人之墓
夢蘊生前屬予書

畫圖別後爲君披會爲子寫
山居圖仙乎

此地魂當戀達者何心夢木癡惘悵螺峰來已晚竹廊
空撫老苔枝

梅菴寄隱圖爲屠石臣姪孫壻

朝柱題

人生都是寄君寄此菴中滿壁猶留畫

謂夢

應門未有

四梅閣曉坐

結廬傍香雪清氣入寤寐曉山塞屋角林樾寫其態青
黃雜紺紫筆筆似名績迤邐接村墟霜花弄瓊碎湖光
忽掩映微茫露鴉背層巒斷還續仄徑穿翠巖一塔煙
中明影落窗戶內靈芬貯小閣熏香破清睡逃禪不可
作高節未云墜所嗟流風渺餘韻襲先輩

揚補之四梅花卷舊藏外

大父陸謹庭先生家石菴相國題其閣余先摹相國書顏余閣越數年卷乃歸余藏之山中殆有前定素

西園集卷九

六

壁張橫枝清詞動幽吹

卷曾爲程心柏所得摹四梅花及柳湄青四詞並柯丹邱和作

勒諸石今以其拓本張壁間並依原韻亦和四詞

遙遙七百年尙友幸披對楓

葉脆有聲梅花細含睽俯仰愧虛襟孤吟聊自遣

吳山早發

歲晚吳山下人家正早興野禽衝曉日溪鷺踢寒冰目
極平原曠心隨遠水激翩斜風帽影詩骨共峻嶒

臘月二十八日偕秦壻移舟山塘

歲闌塵事了清景有誰同旭日下簷薄濃霜鋪釣篷山
容迷慘淡水色入空濛破曉山塘路花畦宛轉通

正月二日登城北報恩寺浮屠絕頂

庚午

浮屠九級聳嶙峋拾級徐登迴絕塵俯揖羣峰低烏背
平看萬瓦簇魚鱗參禪盡澈諸天相歷劫重回大地春
形勝姑蘇全在目東南佳氣鬱輪囷

溪山雪霽

輞川墨妙世空傳粉本分明在眼前嶺旭正銜鴉背澹
湖波微弄鴨頭妍山窗短竹寒吹折野艇孤篷凍屢偏
始信化工工點染晴天原是蔚藍箋

山中卽事

展罷松楸墊野巾綠溪繞澗獨尋春一年又到初正候
六秩纔交過二人樹借煙明偏晻靄花從雪霽更精神

西圃集卷九

七

平生自許梅知己肯負山中淡蕩辰

茶山歌

檀園不作留詩在詩裏湖山長不改當年選勝果無虛
巖壑品題足千載茶山一拳聚鷗中不與羣峰爭碗礪
豈知生面乃獨開萬頃湖光正相待我來數武上苔級
宛似沙汀一鷗立何須藤葛苦攀躋七二螺鬢齊拱揖
西磧煙濤勢轉孤彈山樵徑高難拾茲山平坦翻出奇
至今名在檀園集早春雪霽詩思催千村萬落梅花開
到此竟忘他樹雜四圍一色鋪瓊瑰會當攜酒佇明月
湖波倒吸傾尊壘祇惜無由得俊侶先生跨鶴魂其來

石樓銅井年年約莫負探春健腰脚游人只上萬峰臺
何日重營六浮閣

雅宜綠畝丙舍葺治有加於前落成書懷

丙舍經營歲屢過栖遲隨處是行窩探幽各有梅花約
招隱都宜桂樹歌百歲光陰原荏苒四時風月要婆娑
扁舟莫恨成孤往餘蔭先人占獨多

二月三日重入山探梅夜宿雅宜丙舍翌晨籃輿

過柴莊嶺訪五雲洞遂至元墓入聖恩寺小憩
由西灣度長圻嶺經潭東聚鴈踰孫家嶺過驚
魚澗謁彭南昉先生墓於官山鳴取道珠華嶺

西圃集卷九

入

至草堂初四日攜酒上茶山賞梅初五日登香
雪海度馬駕嶺逕抵西磧還過銅坑由澗上登
舟至雅宜初六日游無隱菴並上靈巖絕頂觀
琴臺題字乃自瀆川還家前後得詩如左

小挂輕帆細雨中十三橋畔翦東風停橈吹火山莊宿
夢穩梅花一畝宮

起來薄霧霏遙岑天與梅花作曉陰便喚籃輿乘興去
一條 輦路到松林

纔過柴莊又米堆五雲洞小寺門開半間雲在泉深處
犂确山程我獨來

洞壁有雲半間三字

靈山合占法王家金碧樓臺黯歲華
閒向四宜堂下立
山僧爲我說乾嘉

潭山兩面判東西萬蕊千花望欲迷
時與湖光爭出沒
冥濛香氣浸玻璃

小閣清閒委薜蘿南吟集裏記吟窩
今朝爲訪先生墓
又向驚魚澗裏過

清閨閣在驚魚澗草菴中今圯

西灣轉過度長圻一路梅花點客衣
直到珠華山下問
萬橫香雪護雙扉

有客耽幽久住山今朝偏不到柴關
梅花韻事須誇與
萬頃湖波照酒顏

茶磨鶴巢期而不至

西圃集卷九

九

從來幽事屬詩人歲歲花時一問津
預想明年傳驛使
綠蘿應欲笑黃塵

鶴巢將北行故調之

四面迴環盡翠嵐昌蒲潭裏有精藍
荒榛一片留青石
秀埜人題香岳菴

昌蒲潭舊有香岳菴願俠君太史題碑尙存

鶴表風清宰樹寒會傳別業耀林巒
人間只有湖山壽
試上瞻雲閣上看

國初張氏建別業於聚塢有六浮閣瞻雲閣諸勝今惟瞻雲尙存

承平開府足風流管領梅花奉
翠旂千載游人來指
點品題誰易宋商邱

屈指香風續續吹重來剛到十分時
山家月令從頭數
驚蟄梅花候不差

寒香已爲滌塵容還借層瀾一盪胸行到瀕湖行盡處
水天無際駐吟筇

潭東諸嶺接珠華西磧銅坑路轉賒三日登臨三十里
詩翁眞不負梅花

方罨勻排麥早抽時和眞覺暎風柔出山莫悵梅花遠
時見溪邊一樹幽

陰晴天氣惜春韶香入清吟醉未消十萬明璫齊捧袂

還來小閣看雙喬無隱泉上玉梅二株數百年物也延賞久之

歌舞千年劫火銷更無宮殿入雲高故人好句今何在

天末琴臺有亂蒿未句姚梅伯靈巖題壁詩也

西園集卷九

十

老圃心情萼綠知冰霜耐過歲寒時新松種得纔盈寸

中有槃槃偃蓋姿馬鞍山下種松成畦小如秋絲

去塵胸次最翛然偏與梅花少夙緣今夜勞君清夢繞

更期後約到明年女羿秦笛舫間此游而羨之留此以爲後約

同繆瓢隱時升家晚香遵賢攜酒登茶山賞梅花

磨鶴巢期而不至景亭前輩不速來會紀之以

詩

乍躡平岡境已舒湖天香氣挹襟裾固知會合緣無定

莫笑清狂習未除秉燭古人良有以開尊明歲復何如

茶山頂上梅花讌贏得吳中韻事書

花朝賞菊

花朝置酒菊花前老圃新添韻事傳豈料秋容三徑澹
還爭春色二分妍護持未借陽和力悠久能參造化權
敢與羣芳鬪紅紫託根只合傍松堅

翼日同楊師白

敬傳

葉涵溪裕仁

王莪泉

敬義

仙

洲瀛

許鶴巢汪茶磨王亦韓

宗愈

女聳秦笛舫

小集仍用前字韻

東皇美意祝延年更爲花朝補壽筵元日詩曾留故事
從父文恭公有羣芳譜擬續新編試搴霜蕊香彌永爭
歲朝賞菊詩把煙苗綠又鮮莫被花神笑清寂但攜茶到菊花前此

西圃集卷九

士

石道人壽朴翁句也師白今年正
六十而茶磨嗜茶不善飲故云

蟠螭山觀桃花

蟠螭山下東風吹桃花笑人來已遲滿溪零落不成雨
一簇芳菲猶罨衣李花小白不足道彼穠並稱良可疑
去年今日枕湖島惟見紅霞照水湄柴門吠犬驚客至
一枝揀付奚童隨重來便須俟明歲莫學漁郎空手歸

早泊塘灣

梅雨今年早新秧綠滿畦亂蛙喧水澗乳燕掠風隄小
艇身如寄殘編手自攜停橈聊短步沙路不沾泥

晚度吳山嶺

高嶺夕陽下微含秋思清草深疑斷路花冷不知名野
屋牽瓜蔓荒墳長竹莖最憐僧寺圯臥地有鐘橫

綠畝山房夜坐

夜靜天容闊風涼水氣腥荒村無吠犬淺渚亂飛螢樹
影疑人立蟲聲助客醒田家渾住慣寂寂掩柴扃

曉起和前韻

殘月挂林杪曉空如卯青山容猶似睡蟲語一何醒漸
覺早煙動微聞濃露零碧畦搖穉稭所喜稻花香

登七子山入乾元寺

山爲橫山之支嶺舊有藏兵
洞亦名七子墩見顧嘉譽橫

山志

西圃集卷九

七

放眼供披豁探胸散鬱攸峯高涼吹動水遠淡煙浮諸
相原無著勞生合有休時余連
哭兩女何妨聃與釋方外且同

游

寺有三官殿
守之者僧也

風雨驟寒掩關臥疾殊有淒然之思

新秋忽訝過重陽一夜林間似隕霜幽草自甘隨雨臥
喬柯誰惜戰風涼每瞻星斗心猶壯怕聽江湖歲又荒
稚子不知翁意苦繞牀時覓雪梨香

病起

重陽過了似新秋晴旭偏宜病乍瘳最愛疏花明晚徑
已孤短策上平邱裁詩排悶何容強餌藥扶衰未是謀

惟有埽除城市迹擁書堅坐草堂幽

秋晚過石湖

獨上輕舸思惘然垂髻記我侍華顛一隄煙草湖邊路
水送山迎五十年

小桃紅照鏡中春又見清波泛白蘋欲覓湖心亭子影
更無父老話南巡

好句商量賦脊令當時呼我是漁兄何人肯信煙波趣
菱葉平湖蟹性情稻花高隴牛動業菱葉平湖蟹
性情仲弟幼時同過石湖句也

曉行玉遮山下

一簇煙光襯遠楓滿林黃葉舞西風秋山更比春山好

西園集卷九

三

好在蕭疏澹遠中

雞犬柴門一味閒斷無剝啄到雙環人生難得田園樂
不是臨流便看山

存伯許贈菊花以家釀雙巵御之勝以小詩

東籬已報晚霞舒許借幽芳慰索居特遣麴生迎壽客
不知陶令興何如

存伯惠異菊十種並賜和章再答奉謝兼訂花前

小飲

帶露含霜次第舒奇葩何幸賁幽居呼燈爲寫清癯影
多恐黃荃畫不如存伯善畫
故調之

同欣病眼對花舒時與余俱抱病初愈晚節眞宜退士居好約銜
杯商菊譜范村逸趣問誰如石湖有范村菊譜存伯自號范湖

自題嬾漁圖

蘆花奕奕柳絲絲著箇閒身作釣師嬾到此翁無可嬾
笠蓑狼藉一竿敲

斜風細雨太縱橫何似山晴更水晴猶自嬾移孤棹去
卻來臨檻看魚行

萬事由來戒強求漫勞香餌漾沈浮試看日日磯頭坐
儘有金鱗不上鈎

拋卻浮名世外輕廿年贏得嬾漁名算來此席猶多事

西圃集卷九

西

應愧眠鷗不我爭

閏十月十三日籃輿自萬祿山至瀆川

氣入初冬肅年因置閏長病餘宜放散亂後喜豐穰雞
犬閒門靜魚蝦小市忙無風晴旭暖吾意且徜徉

游鳳巢觀師乳泉贈法參上人

老漸憎人事僧能淡世情孤花綠砌發短竹繞牆生腰
腳嗟余滅心魂對爾清掩關看靜侶徒倚愧塵纓有天台僧

閉關於此

移香椽橙橘

行年將入八種果問何因欲盼經秋實渾忘遲暮身冰

霜能鍊骨桃李易生仁側想丹黃綻吾其耄耄臻

山窗對竹歌

修竹醫俗如砭疴虛心直節堅不磨三竿兩竿差可喜
千竿萬竿豈厭多吾儕一日苟無此坐使几席生煩苛
我有箕箒號小谷四時佳蔭供婆娑清風拂檐氣蕭爽
明月入戶光鬢影祇惜二分偏占屋三分猶欠清冷波
籀龍束縛愈天矯蟄雷鞭引鄰牆過鄰牆漸多蔭漸遠
地勢廣狹情偏頗自恨經營昔倒置至今逸趣成蹉跎
鄰翁偃蹇不解事安得榮澗歌寬適人生適意在知足
蘭成小園有幾何禪參玉版信多味我佛恐以貪癡訶
年年清陰環我坐綠楊奚礙春兩家但期此君日相對
屏絕城市來長哦

西圃集卷九

五

閏十月二十日偕吳冠英游虞山連日天氣晴和

楊詠春同年

沂孫

及其弟濱石

泗孫

季君梅念

許錢仲謙

福棠

趙次侯

宗建

招同游讌前後得

詩六首

破山寺追步常少尉韻

我來尋古寺霜葉騰空林獨有喬柯秀猶環翠竹深破
龍餘幻蹟歸鳥息機心預想冰消後冷泠澗水音

三峯寺敬次先大父集中韻

拾級登初地一松高入雲天容開淨宇海氣接蒼雲玉
版同參味同人飯於寺中啖筍甚佳緇衣不染氛方丈約龕能詩還期三日
任游賞到斜曛

劍門和詠春韻

虞山勞夢想今日得清游況有煙霞侶同尋澗壑秋古
蹤懷約畧奇景動遲留絕壁支筇看眞令宿疾瘳詠春病愈彌健余亦新感甫痊

石屋

石屋何年闢磻溪此隱窩居然成少室渺矣對滄波暗
水穿巖竇晴雲擁澗阿仙源迷咫尺漁父笑空過是日過桃

西圃集卷九

共

源澗而不及游

尋維摩寺故址

維摩寺出虞山顛傳聞創自隆興年至今七百有餘載
楚人一炬空雲煙太息此游來已晏祇林功德誰家院
殘碑猶刻飯僧田屈指滄桑幾變漫說齊梁棟宇荒
參天銀杏失青蒼靈根已死猶僵立山下行人矯首望
薛山人幽居詠春勝其廬曰北郭風泉爲題一

律

我愛誠齋叟風流善品題泉能清客思山爲寫幽棲苔
磴花枝好茅檐樹影齊如何看不厭只是野牆低

薄暮抵澗上卽景成句

暝色蒼茫未可摹聊將索句當披圖歸鴉陣急知風勁
野鶩聲喧覺水枯樂歲尙憐田舍苦閒身始信景光逋
年來悟澈盈虛理且待春生萬彙蘇

仲冬二十六日登銅井望太湖

四山無雲湖無波獨上銅井高嵯峨玉柱金庭出襟袖
皎如明鏡堆青螺人生汨汨溷城市拋擲歲月如奔梭
豈知山水飽奇趣披豁胸膈觸沈疴山僧揖我坐磐石
啜我清泉引我歌我歌崖木萬枝聳卻想美蔭供婆娑
便擬明年來追暑葉葉細數風帆過人言我本山中客

西圃集卷九

七

往往探幽連日夕何事因循空誓墓枉教辛苦先營宅
俯看林薄有人家不識草堂在咫尺山僧笑我忘路迷
寺門西指斜陽低斜陽倒影烏飛處更促籃輿石樓去

石樓看竹

一年不蹋石樓雲竹色參天迥出羣到此坐消塵十斛
幾時移傍水三分僧能治圃差遣俗客好尋山要息紛
記取萬峰臺下立萬竿濃綠護斜曛

梅花消息漸動詩以先之

高標肯入萬花叢信有乾坤淑氣鍾著色不多春到眼
含香無際宿羅胸拌經雪壓兼冰壓圍住山重又水重

屈指明年人日後草堂排日拄吟筇
梅花以驚蟄爲候
明正上元卽驚蟄

婁門觀迎春

東郊彩仗簇晴煙金甲銷來又七年紫陌早傳蠲賦
詔黃堂應有勸農篇漫言雪澤春前少已覺風光野外
妍最是城樓臨眺處喜看青笠跨烏犍

春朝山塘買花歸途喜雨再用前韻

東風解凍水浮煙春色來從卓午天
是日午時立春欲借生機
參畫理好收佳景入詩篇麥畦菜隴都含潤柳眼花鬢
儘放妍膏雨果然能應候卽論圍事亦豐年

西園集卷九

七

貝闈生自武林返棹出示墨韻見贈預訂探梅之

作余方至白堤冒雨尋花歸途次和

六橋煙柳記吟秋
七月中君會至杭又載江春度早郵君自攜

囊頻索句我方開甕坐澆愁故人好駐三年節詞客重
維十日舟
原唱有贈同年丁學使詩若把孤山誇鄧尉梅花清夢幾

時酬

今朝孤負叩門聲卻上扁舟一葉輕客訪幽花攜蠟展
天教細雨濯塵纓已看北郭爭扶耒還喜南方久息兵
轉眼明年春事早安排載酒共聽鶯

